



Comunu de Quartu Sant'Aleni



Fadeus logu a sa mùsica cun “La luna sotto casa”: de Palchi Aperti a su rock de King Howl e The Colvins

Cun **"La luna sotto casa"** Quartu si preparat a un'àteru acabu de cida in mùsica. Atòbiu dòpiu cun Palchi Aperti, chi donat logu a is giòvunus chi sunt incarendisì imoi a su panorama quartesu e metropolitanu, chi s'ant a podi de aici poni a cunfrontu cun su pùblicu de sa rassinna chi est sèmpiri mannu meda, e a pustis sàbudu su cuncertu rock de duas band gai connotas chi ant a arribai prus in altu ancora: King Howl e The Colvins.

S'apuntamentu cun "Palchi Aperti" est po giòbia 25 e cenàbara 26 de argiolas, a partiri de is 21, in pratza Monsignor Angioni. Su logu est stètiu scioberau tenendi in contu is citadinus puru, cun spetàculus chi non si firmant in su centru de sa citadi e a

oru de mari, ma tocat is àterus cuarteris de sa citadi puru. E in s'ocasioni a su palcu ant a artziai is giòvunus, po proponi sa mùsica insoru e ingregghiai unu pùblicu dissimbillanti ma tirau de is generatzioni noas.

A aberri su merì de sa giòbia at a essi Riccardo Murgia, connotu cumenti a Swllw in the world, rapper casteddàiu nàsciu in su 1997. Sa mùsica cosa sua, chi pigat idea de su cìnema e de su teatru, chistonat meda de sa vida sua. Su primu album, "Dadidè, la speranza di un uomo", est bessiu in su mesi de màju 2023. In su mesi de lodàmini de su pròpriu annu at pùblicau s'EP cun 4 temas musicalis "For us, by the hell", chi pigat de is figuras de su cìnema e de sa literadura horror de is annus '70-'80. A sighiri The Wise, aici si fait nomenai Omar Arigiolas in su traballu suu, artista sardu nàsciu in su 1997. At primitziau in su 2021 cun sa cantzoni sùgula "Goodbye" e a pustis at sighiu in sa bia de sa creatividade fadendi bessiri cantzonis sùguals medas presentadas live in eventus po artistas noitzus. In su stadiali de su 2023 est bessiu "Vita vera-Tutto un gioco" album chi cuntenit unu apensu asuba de su chi agataus a giru de nosu e de cumenti sa realtadi non bincit mai su chi s'aspetaus. A serra su merì Gaia Deiana, chi a 14 annus, cun sa boxi sua de coru e s'abilidadi in su cantu ocannu at giai tentu s'afàstiu de binci su Grand Prix in sa finali natzionali Itàlia de Sanremo Junior, gara de cantu dedicata a is giòvunus noitzus chi tenint una edadi intra is 6 e is 15 annus. Sa cantanti noitza, chi stùdiat cantu in su coru giovanili Clara Voce de Quartu, at a pustit rapresentau s'Itàlia in sa finali mondiali in su famau teatro Ariston.

Cenàbara invècias su merì s'at a aberri cun sa band Mielardente, chi nascit in Casteddu in su mesi de làmpadas 2022, aintru de su panorama Alternative Rock sardu e at pigau ispiratzioni po is sonoridadis suas medas artisas internatzionalis de matrice Hard Rock e Rock/Blues. Is primas duas cantzonis sùgulas, "Lacrime Amare" e "Formiche" descrint su dolori e sa timoria de una persona e sa gana de si ndi torrai a pesai. Sa boxi de su grupu est de Emanuela Nuscis, sa ghitarra Matteo Dessì, su bàsciu Nello Mascia e sa bateria Alberto Melis. At a sighiri Daniele Tolu connotu

cumenti a Dan, cantautori quartesu nàsciu in su 1992. A pustis de is esperièntzias cun su baterista Matteo Melis in is band "The Zabù (rock e metal) e "Fireflies at 23" (cantautorau inglesu), in su 2020 cun sa produtzioni de su discu "No" at incarrerau su progetu de solista. Su cambiamentu est acabau cun sa bessida de su discu "Hangar", chi ponit in paris is esperièntzias acùsticas e elètricas in un'album differenti e sperimentali. Po serra su meri ddoi at a essi MoonFongo, duetu alt-pop italianu formau de Frank Moresco (Francesco Moreno), bàsciu, tastiera e boxi, e Dedalo (Edoardo Pisu), boxi e ghitarra. Su progetu nascit a prìncipiu de su 2023, candu Frank at decidìu de torrai in Sardìnnia, a pustis de essi bìviu in Su Rennu Uniu po prus de 14 annus. Intra is duus artistas est nàscia una collaboratzioni produttiva chi in pagus mesis at portau a unu repertòriu de temas musicalis nous e mai intèndius caraterizaus de unu soud fini, eleganti e modernu a su pròpriu tempus.

Su meri de sàbudu 27 de argiolas duus atòbius rock, po unu cuncertu càrrigu de energia. Is King Howl sonant Heavy Blues: is sonus brutus de su blues sunt passaus cun influèntzias musicalis diferentis chi benint de su stoner rock, de su classic rock de is annus '70, de su funk e de su punk, in unu crossover elaborau de manera sinzilla e naturali. Sa band at girau in tour medas bortas totu s'Itàlia e s'Europa Centrali, e s'in prus de is bortas cumpàrria in is cartellonis de is fèstival internatzionalis cummenti a Pietrasonica Festival, Time in jazz, Duna Jam, Maximum Festival. S'ùrtimu discu intitulau "Homecoming" est unu capìtulu nou in s'universu de is stilis de band, est su paesàgiu de is sonus de una stòria on the road ambientada in s'Amèrica de is annus '60. Su segundu grupu in su palcu de pratza XXVIII aprile at a essi The Colvins, punk rock band de Casteddu, nàscia in su 2012, cun Roberto boxi e ghitarra, Alessandro a su bàsciu, Alessio a sa batteria e Riccardo a sa Ghitarra e a is corus. A pustis de duas demo registradas in sa segundu metadi de su 2012, intra sa fini de su 2013 e a primìtziu de su 2014, ant registra su primu full lenght insoru, intitulau "My future will be bad". Sa cantzoni s'ìngula "Here without you" est de su 2015, s'ìghida de su

tour chi in prus de sa Sardìnnia at tocau puru sa Penìsula e a pustis sa Spagna, sa Germània e s'Inghilterra. In su 2020 est bessiu un' EP cun 5 temas intitulau "Last ride Home".